

遼東三家集

隅夢草堂

詩稿

孟錫珏題

隅夢草堂詩草

自敘

余家居遼海間甲午之亂兵寇交訐室家蕩然乙未夏
和議告成八月聞松翁延夫子有查辦墨河金場之命
九月廿一日趨至瀋垣迎謁至則師於是日已北行矣
追呈一函以述亂離之苦臘月廿四日歸家拜見慈顏
老母喜謂曰能飲能食能睡似此不能死也琛拜畢起
坐母旁撫摩手臂及兩頰笑曰母不瘦也母亦引手摩
琛手臂頸頰曰汝亦不瘦琛應曰然母忽曰吾今者頗
欲死琛驚問何故曰吾壽已高矣福亦足矣天下將大

亂不欲以一付老骨累汝等也琛曰已太平矣不必過
慮但望母年過百歲兒孫等皆得享老母福蔭先是避
難山中時一日摩老母頂心開一穴僅如指甲大驚問
曰母天門何時開母曰已三年矣吾語汝吾他日死無
大疾魂由此出也汝識之因又摩頂心穴則大如錢心
大驚不敢言退語兄伯韓公曰母天門大開矣可奈何
兄亦驚曰可奈何正月六日母忽疾旋愈精神如故而
飲食頓減舉家大戚日視頂心則日熱一日廿三日猶
起坐如平時而頂心一穴汗出不止其熱非常問之不
言但曰今日不死比夜半起坐泊然而逝年八十有三

正月廿四日子時也而起坐之時適在亥正嗚呼琛侍
疾無術侍親無狀不能挽老母終天之駕罪何可贖自
恨而已四月合葬先父之墓將廬於墓側視朝夕香火
奈家貧不能為室兄又病甚兼之飢寒迫人不謀一策
自衛勢必立困以亡不得已於五月廿九日赴省時友
人魏柏巖丁艱歸籍依帥延入幕中往尋之覓一差也
居三月無所就而兄伯韓公又於六月疾卒始決計北
行十一月赴吉林時松翁夫子署將軍事臘月入夫子
幕中丁酉二月派釐捐局幫辦差使檇櫟之材本不中
繩墨夫子憐之恤其窮耳局務甚簡可取暇讀書而自

二月入局五月見病九月病重幾死者屢矣丙戌正月始有起色亦未脫體忽病忽愈直與病為形影矣追思北上之初中路所見有感於懷因以詩紀之續有所詠錄而存之存一時鴻跡云耳詩云乎哉

房仲南先生年譜

道光二十五年乙巳一歲

六月十五日未時先生生於遼陽城南武將臺故居

道光二十六年丙午二歲

道光二十七年丁未三歲

道光二十八年戊申四歲

道光二十九年己酉五歲

胞弟越生

道光三十年庚戌六歲

咸豐元年辛亥七歲

堂叔子和公生四女而無子頗懷伯道憂父鏡潭先生慰之云余現生有三子他日弟婦果不育男此三子中當以一人繼吾弟然長子無出繼理遂手撫先生之頂曰此子骨重余愛之不能給汝又手指叔越先生云彼可也後果以叔越先生嗣子和

咸豐二年壬子八歲

出就外傳

咸豐三年癸丑九歲

咸豐四年甲寅十歲

胞弟季清生

咸豐五年乙卯十一歲

咸豐六年丙辰十二歲

咸豐七年丁巳十三歲

與伯兄伯韓隨父鏡潭先生讀書於佟氏園九月九日登鞍山夕陽寺與伯韓賦詩鏡潭先生次韻有光陰過眼離弦箭事業傷心落鼎丹句

咸豐八年戊午十四歲

咸豐九年己未十五歲

咸豐十年庚申十六歲

咸豐十一年辛酉十七歲

同治元年壬戌十八歲

同治二年癸亥十九歲

同治三年甲子二十歲

代父撰祭姻伯陳忠節公文體擬昌黎士林傳誦

同治四年乙丑二十一歲

同治五年丙寅二十二歲

同治六年丁卯二十三歲

劉仙樵陳鶴溪兩先生評所作七言古體詩為月下

謫仙人復生字得板橋道人之逸

同治七年戊辰二十四歲

六月以府試第一捷泮宮與廣甯劉東葛先生懷德
榮可民先生同受知於學使任蕢臺是歲與榮可民
爲石友八月聞長兄伯韓在岫巖旅邸患病九月一
日與道士孫丹亮徒步赴岫巖尋兄十月初同歸時
太夫人李患目疾旋失明

同治八年己巳二十五歲

應科試是歲始設館於佟氏園世弟賈錫三從遊時
賈年二十二以府試第一入泮後以次女妻其子國

颺字伯峯

同治九年庚午二十六歲

赴都應順天鄉試由營口泛海至大沽時天津有焚
教堂事同行中程克昌毛穎出京無旅費託向陳鶴
溪借銀鶴溪以諸人無行止不許不得已自借三十
餘金轉借諸人行至甯遠諸人資又罄又借地租錢
一百七十千適兄伯韓因催租涉訟事雖直而病痢
牽馬扶兄日行淺水中泥塗之苦不可言狀

同治十年辛未二十七歲

再館佟氏園七月應歲考以一等第一補廩學使爲
張霽汀灃卿是歲治舉業之餘從父鏡潭先生受內
經脉經傷寒金匱之學

同治十一年壬申二十八歲

春試選拔携生徒入省與劉東葛先生定交是歲可
民東葛兩先生得選拔張學使期以次歲優貢與之
時有三才子之目

同治十二年癸酉二十九歲

夏赴省考優貢至院科投考則海城學官未送卷細
訪方知海城學中王某舞弊欲赴海城備卷苦於無
費遂西謁劉東葛先生之封翁於八角臺求將伯之
助一見大喜曰與汝弟僱車一輛錢二百千金百兩
爲鄉試計至京再寄二三百金必不令汝兄弟空手

也並選吉日起行至日乘車要東葛於鹿玉洲先生
書齋先生索詩爲賦七言題扇而去至京甫一月東
葛以奔喪歸幸榮可民魏節珊魏柏巖三人至試罷
歸抵廣甯與可民諸人弔東葛喪助葬而歸是歲三
女晚蘇生

同治十三年甲戌三十歲

館塞上可民將謀山居亦有其志

光緒元年乙亥三十一歲

三月初旬與堂叔子和公同車赴騰鰲堡日已過午
行至甯遠屯村西突見火光十餘条長逾數十丈起

於西南天末向東飛去其聲隆隆先生歎曰此爲天
魔出世洪楊之變其再見於東三省乎蓋爾時去洪
楊之亂未遠故道及也是月赴省出保魏憲臣請代
館於十趙台

光緒二年丙子三十二歲

丁父憂治天文地理之學旁及星命壬遁之術

光緒三年丁丑三十三歲

著檀弓辛語

光緒四年戊寅三十四歲

自治舉業受王洛橋先生批判洛橋先生爲東三省

四大先生之一奉省南部舉貢多出其門

光緒五年己卯三十五歲

八月二十七日子象權生冬十二月先生同兄伯韓赴省胞弟叔越御車行至十里河村北突來鬍匪一名跨馬持槍逼兄若弟於數武外下馬登車搜括財物先生突起曳其兩足匪被曳墮於車叔越先生按其背伯韓先生奪其槍轟然發聲鉛丸直洞匪首登時斃命於是車載匪人牽馬至十里河駐防之行營報案營總查匪所攜贓證有關他案即予完結

光緒六年庚辰三十六歲

中秋月夜自集市歸是歲夢夢錄成

光緒七年辛巳三十七歲

懸壺省城與僧人蓮浦爲方外交蓮浦善書畫書法
逼真草聖畫學唐伯虎而葡萄鼠乃其絕技人不易
得病痰飲至危急先生視之曰爾病至此尚復何戀
莫如以藥毒爾速死蓮浦以首叩枕曰苟如是復何
求先生書仲景之甘遂甘草湯付其徒速爲檢藥藥
肆謂兩藥相反入咽即死必索保而後與三義廟住
持出與作保其藥方得入煎次日先生晨眠未起忽
聞窗外大呼曰仲南我愈矣推扉而入則蓮浦也

光緒八年壬午三十八歲

設藥肆於省城大東關堂曰師景有傷寒金匱札記
素問正誤諸著述先生讀書善於得間嘗有稱中庸
爲漢儒僞造者其意蓋謂孔孟在山東講學立言取
譬皆就本地分光若泰山其類挾泰山以超北海之
類是也漢都陝西華嶽在陝西境內中庸之載華嶽
而不重乃漢儒之本地分光語也先生聞之笑曰若
然則子思子之中庸其作於爲魏文侯之師時乎談
言微中聞之解頤其著素問正誤謂仲景倣秦越人
難經之意設爲問答故篇內有經文有難文蓋三代

以上文字與兩漢迥然不同有目者可共睹也仲景
恐原文辭旨深奧語意難明每以要言不煩之語注
其旁是曰注文當時板印之法未與轉相抄錄遂致
原文注文混合不分故篇內語多重複其他訛字錯
簡所在多有既經先生指正嘉惠醫林不尠

光緒九年癸未三十九歲

與清博泉觀察魁文浦主事游爲戶部侍郎啟秀醫
背疽奏奇效

光緒十年甲申四十歲

騰鰲堡爲先生原籍村人王某亂匪也充保正多行

不義先生每痛詆之該匪欲得而甘心焉六月先生
回堡王某勾連盜匪閻某杜某等十餘人要於路先
生之車被圍槍已破車門而入時有儒冠儒服者一
人立車旁瞋目叱曰爾輩亦知有王錦坡乎即我是
也此人生命由我保存有敢逆余言者全家殺却閻
杜輩戰慄無人色偕王某抱頭鼠竄去王某襁負其
子遁於野數日不敢歸王錦坡者燕趙大俠也飛簷
走壁殺人不轉瞬久爲若輩憚而與先生從無一面
緣先生下車致謝其人已不知所往後數年俠士以
他案付詔獄先生聞之極力營救無效每呼負負是

年九月二十五日原配金夫人卒

光緒十一年乙酉四十一歲

戴夫人來歸先生教以持家之道

光緒十二年丙戌四十二歲

千山峯之最高者曰仙人臺下有團焦四圍長林豐草與香岩古刹隔斷塵囂室內僅設一座門外以虎代犬而司守夜戒行僧明義居焉是年三月香岩寺住持圓慶西歸先生以一聯輓之云虛空粉碎粉碎虛空井象莫談前世事不墜因果不昧因果野狐休問再來禪此聯爲明義所見願得一面寺內僧俗等

衆視明義如活佛見先生受其接見以爲殊榮

光緒十三年丁亥四十三歲

先生持論絕不由人恆徑嘗謂天空無數星球與地球等其中五行之氣以交互其作用便能發光又謂五經僞文尚書尤夥是年家居深究地球原理批在瀛環志畧又辨尚書真僞及其闕文錯簡之處存之外集小儒見先生不致力於帖括而如此浪費筆墨羣起大譁然則先生屢躋名場果以此乎

光緒十四年戊子四十四歲

四十四歲

曾侍御與九丁母憂在籍大吏聘掌萃升書院齋課

命題爲孟子見梁惠王場中得二佳文一爲六比平
環式置第一一爲古體文置第二竊念生童中必無
如此手筆訪之則第二爲先生之姪錄先生舊作也
第一郭姓文則抄錄其師師爲王洛橋關東名宿亦
先生之師也侍御衡文巨眼師先弟後一時傳爲佳
話遂聘先生課其子鄉生檳雅軒先生爲鄉生內弟
亦從遊七月霍雨爲災與鄉生自營口泛海應鄉試
是歲鄉生登賢書十月伴鄉生扶其繼母陳夫人匱
回里陳夫人字菴雲先生之姨表妹也

光緒十五年己丑四十五歲

庚仲南先生年譜
館於向陽寺六月赴都應鄉試

光緒十六年庚寅四十六歲

是歲內大臣洪鈞中俄分界之地圖出版先生見之
謂此事無形喪地不堪枚舉批在皇清輿圖時館於
東京陵檳雅軒先生爲都講九日與長兄伯韓登高
嗣君心甫得句云秋風吹萬里白雲飛上天時方成
童尚未學詩衆以爲竒仲冬左軍門冠廷患病延先
生診治病爲脇上紅腫昏不知人先生以左金丸加
大黃爲劑左右以藥祇三味安能愈此重症擬不與
服文案劉總理主張姑試一劑而神識已清腫已退

急索原方再服已爲左右焚燬矣左公怒欲杖之先生爲之緩頰再劑而病如失

光緒十七年辛卯四十七歲

將軍裕祿練兵大臣定安提學使延茂耳先生名爭欲羅致門下驛巡道景桂湖北補用道清博泉與先生尤厚每日公餘得暇必欲就先生一談爲快程統領者人呼三毛子太平天國之降將也暴厲驍悍辟易千人獨對先生傾倒嘗謂人云文士矯柔造作令人生厭房君言談舉止純任自然真名士也喇嘛德普航北鎮廟監院蓮福因均與先生訂方外交是歲

房仲南先生年譜

先生以營務處幫辦兼主三賢祠義塾講席英彥雲
集榮祉宇先生李祝三先生楊子襄先生皆與遊猶
子乙亭朗軒木生及嗣君心甫均侍左右祝三先生
為先生表弟傳義法尤多

光緒十八年壬辰四十八歲

主講三賢祠義塾余時應童試請業於門是歲三座
塔教匪變亂陷赤峯左帥出師先生遣其姪乙亭從
軍

光緒十九年癸巳四十九歲

主三賢祠義塾講席秋泛海應鄉試與可民祉宇兩

先生同寓奉天會館夜夢得句云豈敢大言二三子
會須置我醫巫間以告可民可民大噓曰醫則然矣
巫猶未也然二語大似君數年行狀相與一笑是歲
祉宇先生登賢書

光緒二十年甲午五十歲

主講三賢祠義塾是歲中東戰起李傅相命左帥出
師並派西洋留學生數人繪朝鮮地圖以備戰左帥
召先生之姪朗軒襄其事朗軒私以其圖呈先生先
生笑云軍事繪圖豈可外洩然而此圖固無用也時
先生之兄子乙亭與涂芷蘅帶炮隊充前鋒先生另

繪一圖與之云此圖較彼圖爲詳圖說根據唐元兩代朝鮮用兵之得失雖與行軍測繪上作用不合然於全局之形勢尚屬不差對於紮營進角間道出奇之處必須注意兵至朝鮮左帥惑於留學生擬紮大本營於平壤徐芷衡據先生圖說與之力爭而莫之省於是出奇之間道均爲日人所利用大本營受其包圍遂敗績左帥殞於陣乙亭突圍出由是九連城大高領相繼失守省城動搖諸生散盡時杜君襄臣自北歸榮可民先生寄語曰南城大亂能北遷余爲東道主先生以北遷不易遂同長兄伯韓攜家避居

千山之十間房

光緒二十一年乙未五十一歲

應依堯峯將軍晉芍航觀察之聘參贊戎幕四月嫁
三女於姨母陳夫人之次孫陳畏六月五弟叔越卒
時李太夫人在堂目已失明先生戒家人及戚屬等
不使聞知太夫人每詢及五兒先生輒淚落如綆而
以在外經商對是年秋前學使延松岩由駐藏大臣
改調東三省屯墾大臣北赴吉林道出奉天先生以
門牆桃李故宜晉謁至省已起節

光緒二十二年丙申五十二歲

正月二十四日太夫人李氏卒年八十三歲五月晉
省訪魏栢巖於依將軍之幕次六月長兄伯韓卒十
月延將軍函召赴吉遂攜嗣君心甫三婿陳畏就道
臘月入延將軍幕辦奏稿

光緒二十三年丁酉五十三歲

三月充釐捐總局幫辦弊絕風清是歲收數極旺同
人擬留其半按甲乙上下分潤商之先生先生不可
封印後遂請埽墓假還奉天

光緒二十四年戊戌五十四歲

正月十六日自吉林南旋瑞文閣送至歡喜嶺二十

五日至瀋陽聞可民先生寓居元升店下車即攜嗣君心甫往訪之蓋不相見者已五年矣時可民先生患肝熱爲書一方乙亭時亦在省可民遣人告之並通知續聲賓曹心泉陳笙伯三先生次日謁依堯峯將軍於臥室遂旋里是歲中央政變先生逆睹後來必致變本加厲作林放問禮之本文以見意文存外集待刊

光緒二十五年己亥五十五歲

寓省城小西邊門外關帝廟住持喇嘛德普航先生之老友也課嗣君心甫三壻陳平叔治詩古文辭

光緒二十六年庚子五十六歲

中東戰後國事日非列強虎視眈眈大有朝不保夕之勢而大吏惟囊橐是務不啻下井投石先生忿恨之極是歲拳匪肇禍先生忽發奇疾每日濯足清流獨居一室咄咄之聲時有所聞家人竊聽之則何故授人以隙一語而已一日忽命猶子朗軒爲之診視朗軒云此肝風襲絡之症宜服風引湯間服黃連鷄子阿膠湯必可痊愈先生笑云汝之醫大有造我之病無須醫方知先生特以己病試其姪也朗軒開解百端毫不爲動次日漸覺舌強此時拳匪潰散俄人

到處搜索先生病益增家人決議送先生於千山石
橋子靜養先生以山中爲淨土頗樂從而仍不服藥
漸次神昏遂於八月二十日逝世亂後歸其喪越期
年而大葬

受業陳思謹撰

庚仲南生年譜

七

後人以... 羊而天... 神必... 謝子... 匪... 匪...

隅夢草堂詩草目錄

卷一

赴岫巖尋兄途中作

戊辰

至岫巖喜與兄遇同遊城市作

同兄及孫道兄歸家過大偏嶺

登滑石嶺

九月十二日

尚王墓

三垂岡懷古歌

己巳

夏夜書齋對月

館設佟氏菜園中是歲余始教書

贈賈錫三

渡海至大沽下船作 庚午

古風 五首

鄉試歸過甯遠城作 并序

過首山下

高橋歎

馬場

古原

青青柳 辛未是年再館於佟氏園中

七月六日省試畢歸家中途大雨

同內子摘桃作

十月一日祭墓作墓在張仲堡河東

臘月夜赴遼陽

秋柳 三十七首

卷二

金州謠 壬申

寶劍行

千山勝蹟 張霽汀夫子院試古場七古題

題劉東葛梅龍圖

歌風臺

試後歸家

陸謝草堂詩草

題拐李圖

秋闈試畢歸途中作 癸酉

過永平題壁弔李將軍

和魏節珊望海作

同治甲戌館塞上可民將謀山居余亦有其志詩
以紀之

書懷

懷可民作 八十二韻 時可民朝考未歸

夢中詩

暮春將赴省城出保作 乙亥

村歌

夏雨

卷三

冬夜自省還家

中秋月夜自集市歸途中作

庚辰

題畫作

瀋城雜詠 三首

紀雨 丙戌夏

丙戌八月十六日宿千山香巖寺夜雨是夜月蝕

秋月篇 并序

甲申妻金氏病故曾爲秋柳絕句三十餘章悼之
丙戌館於千山秋色感人復成十餘首忽於舊
篋覓得因錄存之

丙戌九月九日携諸生登五佛頂 五古七十五韻
古風 七首

卷四

蕭姬廟 戊子

戊子秋試由營口泛火輪船至烟台由烟台至天
津感作

庚午癸酉兩至京師嗣不復入秋闈者十五年矣

又戊子入都風景大易過東郊民巷愴然感懷因
成此作

過巨流河有感 戊子

已丑六月二十三日秋試西行兄伯韓公弟季清
送余登程後去陪都三十里回望省城大雨感

大作

渡巨流河遇雨宿新民屯擬謁先聖廟不果

余四次秋試五過孤竹未敢題詩也已丑恩科報
罷驅車東歸蓋六過孤竹矣曰未暮渡灤河愴
然有思感而賦此

擬唐人從軍行 二首

田家曲

春郊晴眺

庚寅歲課徒作

春柳

庚寅課徒擬作

大雨後聞太資河水漲驚作

庚寅七月

塞草

庚寅課徒擬作

九日同胞兄伯韓作

庚寅

望遼城有感兼和兄作

庚寅

望遼城作示權兒

又

又望遼城作示權兒

用權兒句意足成之
權兒年十二偶命以詩得起二語余喜爲足成之

與兄伯韓公游續先人作

續伯兄作

秋江漁父詞 壬辰

七夕詞

題奎聚五先生臨蘇隄春曉圖 四首

李貞女未嫁守節苦志三載于歸養親爲制樂府

一章以記其事

可民補曹師職滿將歸贈詩牽別並和山內雜詠

自烟台登輪船泛海宿天津海口大風雷雨旋晴

得長句二十韻

佛照樓題辭

過永平觸靖難事感作

榆關道中望長城作
出山海關戲以石灰題十六字於甕城磚上

夜行望廣甯山

卷五

塞下曲

寄可民榮子

禽言 二首

避亂山居雪後四望

甲午

贈恩理言

乙未
二首

雷雨旋晴山行紀見

仁川行

叙亂本也

牙山曲

悲棄軍也

平壤謠

九連歌

鳳凰引

海城歎

一文雪

暮秋山行

秋眺

秋夜感懷 十首

雜感 二十一首

自上石橋歸家薄暮過紅草嶺

續夢中句

哭五弟叔越 四首

山居紀事 八首

書三國志後

九月八日大雪權兗有詩和之

重經三賢祠義塾感作 有序

田家春曲

田家夏曲

田家秋曲

田家冬曲

雨後

乙未冬杪自省垣歸定途中作

乙未春避亂山中令兒權登大山刈薪艱苦不言

心甚憐之閒取敗筆陳紙畫大松二株遂題二

作

卷六

鐵嶺道

開原道

葉赫跼望圍場

圍湯

火石嶺

元旦日食

夢人以項王小照屬題爲書一絕句醒後情景宛
然而遺忘八九矣用夢中意補成之

無題

觀開江作

登山望隔江山雲

二

登山望江形

感時

松花江

白鼻騮

獨漉篇 傷倭亂也

來日大難

詠古 四十一韻

送春詞

讀李太白集弔古

問月

五月十五夜與權兒步松花江玩月

對月放歌

六月十五夜

懷榮十可民劉五東閣魏大節珊作

和權兒登高作

病中作

天變

松柏歎

望雲待月聞鴈思家

瀋陽贈可民並柬心泉笙賓諸人 己亥

請假歸家登歡喜嶺感作

入威遠堡門喜作 正月二十二日早

贈道旁尼姑

續夢中句

觀魚美風故

人與遊登門喜於五月二十二日早

請期歸家登樓喜驚感於

審期誤可月並東以泉坐實論人日亥

望雲舒民間無思寒

隅夢草堂詩草卷一

遼陽房毓琛仲南著

赴岫巖尋兄途中作

戊辰

戊辰正月胞兄伯韓公赴大孤山穆營投効初
同治乙丑協領穆錦說降馬賊入省臘月賊劫
獄斬關大掠而去穆以是罪革職收獄尋釋出
帶兵駐紮大孤山捕賊贖罪兄曾入佐披甲為
兵隨穆捕賊塞外穆欠余家債三百金故往投
之為小人讒搆陽令兄察訪巨賊於莊河兄與
賊同店寓聞見已確密稟於穆穆故洩其機賊

聞將甘心馬兄棄馬匹行李聞道走岫巖遂卧
病旅次六月余小試幸捷泮宮八月得兄耗九
月一日徒步往尋道兄孫丹亮奮義偕往是時
母患目疾即喪明之年也

北風吹背不知寒愁絕千山更萬山結伴幸逢丹竈客
此行權當赭衣看水隨峯轉番番涉人到窮途步步難
不為尋兄誰至此滿天霜霧鴈行單

萬峯如劒割愁思化作浮雲片片飛自古儒冠難解厄
隨緣佛盃亦充饑轉憂携手容顏損敢怨回頭事業違
此夜高堂如有夢却從何地覓雙兒

至岫巖喜與兄遇同遊城市作

千家商賈富西關

城中無商市商賈皆在西關

入市農夫也自歡一

嶺途分三縣界

遼陽岫巖鳳凰三界自城東一嶺上分途

兩衙地占半城寬

山城甚小中間一廟東西文武兩衙已占却半城地矣

山同節彼因人改石愧温

其似我頑

產石似玉佳者甚少

擬採靈苗雲際去

山多藥草不知何物

駐仙顏

同兄及孫道兄歸家過大偏嶺

過嶺廿餘里盤折窮山麓登降苦俯仰坐息畏幽穆股

病足益艱腸饑氣不束猛進首自前陡住腰乃伏人力

尚如此而况牛馬足夕陽穿楓林華彩照巖谷赫然天

地開雲霞爽心目羽客說神仙跨鶴而驂鹿翹首問長
房縮地爾何術跬步如可能吾將結茅屋

登滑石嶺

九月十二日

北風吹白水灑然揚其波一葦不可渡誓言登山阿山
阿險以長攝衣陟高岡浮雲東北來下恐是我鄉遙遙
河之干上有孤生樹葉落不歸根相與隨風去隨風去
不回光陰難再追游子有高堂莫負三春暉

尚王墓

路出海城望豐碑屹立道左就視之尚王神道
碑也擬以一詩弔之不暇也到岫後與兄言此

事兄曰山懷中鬱鬱蒼蒼者尚王墳也將於歸
時登其墓以觀焉不意行至獅面城全入山路
由山中以歸追賦一詩以寄慨云

崇碑屹立倚雲峯遙見平南馬鬣蹤假父招權同草竊
逆兒叛國削茅封生歸聖主天邀寵死見先皇地不容
賴有金光竒計在獨留遺廟祀關東

三垂岡懷古歌

己巳

己巳黃臺任師科試古場題賦題為王子高夢

遊芙蓉城

紇干山頭雀凍死三鎮蒼黃劫天子朱三作賊黃代唐

崛起英雄鷗兒李沙陀貴種獨眼龍萬七千騎來河中
渭橋大戰疾風雨奪門殺賊長安宮太原建國拓疆土
帳下真龍四朝主揮鞭走破孟家軍上黨屯營夜擊鼓
風雲鬱莽三垂岡親兒義兒羅兩旁刀頭滴血酒杯赤
椎擊小醜如黃獐伶人勸酒歌聲苦鼓角三更變徵羽
回首針鞭較射年淚灑西風作降虜豈知一旦勤王來
縱橫霸業山河開如此竒功世有幾魏博燕趙無雄才
火燒不死上源驛三矢告廟刀斫地渡河八日能滅梁
有子居然作皇帝噫吁乎樽前人唱百年歌可惜百年
人幾何英雄事業有千古豈僅躍馬橫金戈

夏夜書齋對月

館設佟氏菜園中是歲余始教書

明月滿牆影開門風露香竹陰添畫本星彩煥文章秋
水美人隔小山叢桂芳廣寒羽衣曲聽否許吳郎
萬籟不到耳澄懷逢古人排天星作市毗地寺為鄰月
是何年有文應此夕神焚香誦周易筮賁果何因

贈賈錫三

錫三諱椿齡遼陽州廩生年十五從先嚴學沉
靜寡言與余最相得己巳余設館佟氏園中錫
三從焉是年二十二歲以府試第一人入泮余
戲曰古人重衣鉢兄衣鉢今付弟矣蓋余於戊

開慶草堂詩集卷一
辰歲亦以府試第一入泮與錫三同出和叔蔣
師門下也時藝工綴詩才雋秀乃蔽於鄉前輩
之教古文詩書不肯一入目時流又鼓惑之余
百計淘寫不能從也卒年三十二遺一子余次
壻也此稿久佚忽得之舊書中錄誦一過不覺
腸斷噫久不覩中郎面目矣悲哉

前世吾不知今世復難言儒者貴自立託足良宜安孝
悌為大節禮義為大端詩書藥氣質俗鄙不可干君子
抱令德謙謙古所歡願篤松柏性相期盟歲寒
古聖重文章大端在六經原其作文意豈在功與名時

命苟大謬顏閔須躬耕若以文博貴四科無賢英所貴
豪傑士雖無文亦興勿為今所惑勿為古所輕其原在
道德其事闕性情不取一時譽乃有千載榮

尼山敘詩後戰國叢棘荆風雅久無主斯文厄強羸屈
宋起南服於華摛其菁兩漢多健者魏晉蜚英聲齊梁
及陳隋簫管雜竽箏三唐得李杜千古一大衡宋衰元
乃弱復古在有明聖代炳文運衆作羅咸謫此事貴擇
取要在正性情氣盛言乃宜實大聲乃宏溫柔與敦厚
厥教聖所評

渡海至大沽下船作

庚午

庚午秋試由營口買船渡海至大沽下船易車
達天津時津門有燒燬法國教堂之變曾相國
屯重兵於津以待和款海上時有虛警余乘商
船故不能直抵津門也

大氣圓含質迴旋十二時讀高厚蒙求信地球附日對

球本體向日自轉一周十二月中地球全體繞日大轉

一周天之內即地地之外皆天日不轉而地自轉海水

浮於地面為大氣所包故無滲漏之虞假使地球或一

刻不轉海水暴洩勢如漏壺必牽搖地球一齊震落一

時大風吹未知此時景象正復何似同人聞之皆胡盧

大風以中邪西人分一地球為五大洲

病熱謔語也西人分一地球為五大洲

大瀛海之說佛書以地水火風為四大

尚為有據即土也於五行之中去金木

四大一輪披佛書以地水火風為四大

五洲三界轉西人分一地球為五大洲

而入風較先儒五行之說理圓意足中外為家日他年或見之且將黃黍
飯聊慰眼前饑

古風

黃河入中國九折九千里奪險下龍門此禍遂不止惜
哉地軸搖沉淪渺涯埃息壤距可盜牽筭徒為爾愧無
蘭桂橈何由濟此水

狂風動天地白日失晶瑩離獸率野走驤翮環林鳴登
高望四海滄波滄太清仰首叩帝閭雷鼓雜旬訇電女
睨笑目指顧風雨生吾欲折若木駐彼搏桑精仙山渺
難即陰靄方冥冥

驅車泰山道氣象日萬千陰霾蔽其下積霧蒙其巔深
林嘯魑魅狹路啼猱狴股栗駭心魄怵忽不敢前失足
那可問命駕速歸旋

記昔望東海六龍迴星躔靈鳥躍滄溟照耀丹霞鮮光
彩射金紫百道山川妍笙歌起天半鸞凰驂羣仙雲衣
曳風佩五色皆翩翩翻然叩玉闕千載鈞天筵
一錐奮滄海此舉良亦竒匍匐圮橋下三與孺子期手
書示一卷云為王者師飄然去不返千載空嗟咨

鄉試歸過甯遠城作

并序

先大父官甯遠正紅旗佐領時京師嗣王某以

地冊家人冊出售大父受其地冊而焚其家人冊以地分授領催金某余家得地二百畝大父歿後舉家東歸地託金某後人代理每歲杪遣人取租錢以歸庚午春兄伯韓公往取三年租不料金某意變託辭不與兄不得已與成訟於佐領衙門金某大為衆所唾罵然已拖累半載餘矣是夏余買商舟渡海赴都鄉試場後買馬與同鄉諸人騎而歸比至關川資已竭余手中雖有餘費奈諸人分使何議至甯遠指余家地租借錢為歸計而不知其事難萬萬成也至甯

開卷言草卷一
遠日已暮入店稍息夜半叩門堆房之兵曰門
已閉不可開矣余哀之告以姓氏一老兵問曰
先年在此居官有發三太爺者汝何人也曰祖
父也曰汝親祖父乎曰然曰汝惠大爺之子乎
承二爺之子乎曰承二爺子也曰承二爺在乎
曰在乃謂其伴曰少爺至矣可開門納之門啟
余入堆房與老兵相見皆曰三太爺有大德於
我兵等我等世世子孫不忍忘也隨遣一兵送
至佐領衙門與兄見面詢所餘錢僅百七十千
耳而兄又病痢次日勉強偕余起程兄騎余步

每上下馬余扶曳之彼諸人者已得路費各謀
急歸不暇待也由草道歸經馬場中路七十餘
里余日涉淺水中牽馬扶兄繞潮溝以行或三
五里而得乾路或十餘里而得乾路泥塗之苦
未可言狀彼借錢者急進而不肯稍待歇馬而
不肯分騎人之無良一至於此奈何奈何及至
家而兄病竟愈噫人心難測世路難行雖邀天
倖實賴祖德鴻爪難忘詩以誌之

夜半呼門入闕兵述昔勲猶傳先世德絕慟此宵言兄
弟喜相見功名安足論明朝驅蹇騎長路度朝昏

過首山下

驅馬首山下峯高日在西地真濱北海人或隱夷齊余

亦兄偕弟長途趁馬蹄先人遺跡在有句莫輕題先大父官

甯遠十七年好士喜文人每歲重陽日必大譙於首山

飲酒論文極歡而罷少未讀書暮年為文膏脫口數百

高橋歎

行至高橋同行中有程某者名克昌與毛其姓

穎其名者姑表兄弟也皆負一時文名商曰房

某兄病而行遲累我等程途不如舍之以去余

聞之謂諸人曰公等出京時無路費託余向陳

鶴溪借銀三十兩鶴溪以公等無行止不許也
不得已余自借之轉借諸公路間又使余錢百
餘千至甯遠又使余地租錢百七十千計銀不
下五十兩我有此巨款可備轎以歸我兄不煩
諸公相待也請出此錢還我否則將賣諸公心
上馬程某無言毛與他人婉言深謝始由草道
以歸

人馬一時饑回頭謝晚曦驚心煙出里讐足路登巖恠
詫彼哉彼俄成歧外歧激余慚鮑叔敬仲本難期

馬場

山盡落平地大海環其南厥土惟下下厥草惟蒹蒹上
受柳河水歲歲愁沒淹茫然大澤國平地鋪珠簾十步
無乾土泥塗良不堪馬上兄兀兀馬後弟趲趲弟惟馬
足視兄乃馬首瞻忽喜而忽怒言語多癡憨五里一團
焦十里一茅檐倚門相借問欲語口如箝歲暮光景迫
此居匪可潛云地多水草茅屋良足苦農功亦已畢茲
可施刀鏟貧賤有事業盜賊安敢嫌聞言一長歎閉口
憂心惓

古原

驅車古原上荒塚穴野狸人獸同一窟魂魄將何之形

往名亦滅知否雲初遺哀感紛五內迴輪從此辭輪轉
不成響馬鳴悲以嘶蕭蕭白楊樹瑟瑟吟風枝啞啞老
鳥語唧唧颺颺馳天地萬萬古人物日夜滋死生爭片
壤剝削山川疲再來恐無地冥想發狂癡仙人果何術
日飲三百卮

青青柳

辛未

是年再館於佟氏園中

青青園中柳裊裊多華姿盈盈樓上女脈脈懷所思所
思不可見柳條日成線簾幙下東風慚愧雙棲燕東風
三月晚征人猶未返浮雲日以遙妾夢日以短提籠上
南山葛葉離離翠採之不盈掬客寄遠行字一字一迴

附夢真室言其卷一
賜一語一流淚腸斷淚亦乾只有魂相思生當同此天
死當同此地

七月六日省試畢歸家中途大雨

是年歲考以一等第一人補廩宗師為霽汀張
澣卿夫子

日射朝霞紫轟雷雨脚東水喧奔大壑雲響抱危峯民
力勤能普天心感許通時旱山民禱雨至是雨大足泥塗吾不畏常

願慶年豐

地蒸宵氣溽猛雨破朝暉雲裂長風出雷旋立電飛土
龍吟苦調天馬助神威歡喜儂家近車塵淨洗歸

同內子摘桃作

前妻金氏名帶字伯容以十七歲之二月六日
歸于余于歸之月同余手植桃一株實大而甘
旨且多後此園中諸桃皆此樹分植者此詩向
不示人亦不欲存然詩以紀事余自道其實耳
今伯容下世已九年矣桃花依舊人面何處錄
此詩不禁悽然腸斷矣光緒壬辰九月廿五日
書伯容辰日也

西園一株桃其高蔽檐宇內子携懿筐行行下摘去摘
去前致詞我嫁桃始樹幾度春風來離離子如許果熟

實欲少實少味堪咀生兒不願多兒多父母苦有女小
字雲繞膝學作語呢呢帶累人累我君亦與一笑謝卿
言事豈人自主所貴父母心教子勿忝祖有姪十三齡
生小不吾怒長呼兒來前往事吾語汝吾兄弟四人吾
兄汝之父昔年遷此鄉吾時口尚乳父邑課館徒母家
守門戶殷殷愛子心餅餌分賜管出門兄往嬉閉門弟
豎處腹大噉如牛技拙盜學鼠盡取兄所藏大嚼不再
舉兄歸倚門泣母視如不覩情愧弟亦悲饞吻搨且拊
兄前抱弟頸恩語轉相撫事吾極不忘今已各子女高
曾有遺訓孝悌鬼神輔強合數家人尊卑一堂序禮熟

義自精誠感仁乃煦廉恥治貧賤詩書藥愚魯大化起
門內一語足千古癡聾作阿翁所見等兒豎不信婦人
言事亦僅未弩齊家在修身聖賢大規矩他年汝為人
吾詩非小補

十月一日祭墓作墓在張仲堡河東

葉葉枝枝溯本根九泉啼笑為兒孫山龍此日成安宅

石馬何年大爾門萬古雲初分帝胄房得姓由丹朱一

堂忠孝聚英魂墳以先曾大父立祖曾大父諱佩字德軒先高祖母曾太君生二子公其長也

曾太君暮年得癱疾飲食起居公身任之夜眠牀側衣不解帶足不出大門者十八年鄉里上其事奉旨入祀

孝子祠謚純孝夫子生平善獨留貧賤傳家法杯酒澆

事傳播人口傳載家乘中

殘冷不溫

臘月夜赴遼陽

夙駕中宵起征途跡不迷
轅鎧分路閃斗柄壓城低
燐火團驚馬霜花冷噤雞
那堪田舍苦多半為啼饑

秋柳

金勒珠鞭壓錦韉紅亭醉酒綠籠烟
當時無限春流影回首西風一惘然

春色憎人入畫樓啼鶯語燕總添愁
憑誰喚醒封侯夢一夜西風誤白頭

湖亭深處有啼鶯猶記何戡唱渭城
莫怨離人攀折苦

驪歌初調最關情

姑蘇臺上月華明
往事催人白髮生
苦恨當年臺下路

一枝一葉總多情

烟條露葉減清姿
惆悵沾巾泣別時
酒醒今宵何處也

曉風殘月寫秋詞

殘陽衰草色淒迷
風景何人唱大隄
最是魂銷神黯處

老鴉聲咽小鴉啼

龍樓更點報黃昏
太液池邊葬月魂
莫恠寒鴉棲不穩

御溝流水總難溫

太液花殘水不波
上陽宮女罷菱歌
宜春舊侶如相問

為報龍池落葉多

南內秋深黃葉飛霓裳難着舊時衣未央冷落多風雨
誰向宮娥問玉妃

連宵落葉打柴闌愁緒催人鬢欲斑休問天津橋下水
鴛鴦飛去不飛還

落葉蕭蕭雨打門輕煙無復鎖黃昏多情只有紅橋路
記得當年月下魂

洞庭木落水增波帝子來兮發浩歌欲把愁心付江水
恐他流到竹西坡

八月長安蛺蝶黃問誰重到永豐坊灞陵橋上悲秋客

愁倚西風看夕陽

金城風景太淒迷
往事傷心怕再提
行客不知秋士意
日斜猶唱魏王隄

花萼樓前暮雨多
幾株寒影印清波
何人學唱烏棲曲
玉笛聲聲喚奈何

洛陽河水向東流
十五嬌娘字莫愁
何事捲簾增別恨
一天秋色在眉頭

六橋空水帶寒烟
入耳風多起暮蟬
莫向江南望江北
惹人愁緒是萍緣

湖亭三月絮雲濃
幻入萍鄉暫寄蹤
又被採菱人打散

儘教清露滴秋蓉

風滿長安落葉黃
曲江秋色上宮牆
歸橋寂寂千門鎖
杜老吞聲枉斷腸

春風拂面認依依
乳燕尋人故故飛
屈指繁華都是夢
贈君金縷不成衣

絮果萍因記不真
漫天愁緒不饒人
傷心自說非花樹
怕到依樓一段春

聯枝倚影共徘徊
燕妒鶯羞兩不猜
一曲離亭風笛語
催他涼月渡江來

淡黃衫子忒風流
一寸眉心最解愁
我讀河東佳女傳

半窗寒色到簾鉤

欲說修眉鬪晚粧
除他鶯燕莫商量
月魂風意寒蛩語
併作樓頭一味涼

也解風流也解顰
纖腰十五女兒身
可憐喚作傷心樹
愁雨愁風恨煞人

黃金成縷翠成帷
白馬臺邊款款歸
報到風流齊歇止
伯勞東去燕西飛

盈盈綠汁是耶非
記得當年舊帶圍
祇為淚痕濃似染
開箱怕檢故時衣

彈鋏長歌行路難
幾枝疏影共盤桓
勞勞亭上題詩處

贏得離人不忍看

紅板橋頭認酒旗
奈何風緊日斜時
鷓鴣飛盡秋鶯老
紅豆盈盈寫恨詩

生意消磨歲月催
半存枯色映寒苔
東君果有回春力
呂渭猶能作賦來

泣雨吟風力不支
秋痕逼入減容姿
可憐白髮香山老
猶有閒情賦折枝

離情如草刈還生
手挽殘條記最清
猶是去年攀折處
緣何不見舊啼鶯

懷人莫上赤欄橋
綰住離情不肯饒
欲把瑤函通一語

漢宮青雀去難招

明鏡團團似月圓
比來郎面兩新鮮
今朝秋色來雙鬢
莫道王恭是少年

幾宵疏影失清圓
風景無多帶暮烟
一片秋心纔定住
又隨飛鴈到南天

瀟湘木葉認依稀
若有人兮薜荔衣
盈袖蘅蘭思寄遠
暮天望斷碧雲飛

流光如影去無蹤
儘有相思別恨濃
一夢華胥醒也未
老僧早打五更鐘

表前早冰起更難奈何風緊日斜時
 鵲鳴飛盡暮雲歸
 霜天望海雲寒暮年存枯色映寒苔
 東君果有回春力
 蕭蕭木葉落紛紛
 蒼苔有人含顰
 蕊冬盈
 蘇蘆蘭思寄
 又動寒風
 雨天秋雁過
 入城客安可憐
 白髮香山老
 燈宵流濕
 吳都園風景
 無冬帶暮
 秋一
 廿
 殊
 心
 難
 安
 封
 集
 重
 主
 來
 更
 心
 手
 下
 挽
 殘
 餘
 記
 景
 清
 猶
 是
 去
 年
 春
 折
 柳
 吹
 散
 舊
 園
 山
 來
 响
 面
 兩
 條
 鞭
 今
 曉
 綠
 色
 來
 雙
 鬢

隅夢草堂詩草卷之一終

隅夢草堂詩草卷二

金州謠

壬申

同治戊辰余與可民榮子東葛劉子同受知於
和叔蔣師蕢臺任師是歲獲交可民而東葛猶
不相識也壬申春試選拔場携徒入省一日可
民過余曰昨見一畫上作拐李形下為八駿圖
題之者劉東葛也因朗誦其詩十數語起云大
丈夫生不得伯樂作知己埋頭且入神仙裏余
聞之躍起曰此竒才不可失也因同訪之一見
定交二十年來余三人交最久而情亦最相洽

也附識之以見文字因緣人生作合有自来也

客有談金州大水者與東葛分詠之為金州謠

十五解 壬辰三月記

民昔愛官如愛父民今畏官如畏虎謂民胡畏官謂官

有賊能我殘破我家毀我室使我饑寒 一解 我民胡富

我官胡貧我官見我怒且嗔謂爾胡有金銀我將取之

千萬其緡 二解 有何虐跖童殺人報仇肆厥淫兇鍛乃

刃張乃弓厥徒百逾數孰敢攫其鋒登公堂入公宮謂

官曰汝乃兄 三解 民有田產跖則度之民有錢幣跖則

掠之民有飲食跖則攫之跖以與官官大喜歡 四解 謂

民胡不蘇爾生往控大府省之城民泣厥目疾厥首曰
否否吾欲控之吾族不可以保 五解 狂風捲地里閨腥

盜吏十百狼其聲郎當鐵鎖光明明疾驅風擁橫入庭
壯夫走死悔不曾小兒膽碎驚如冰縛主人以行 六解

送之官府官府擊鼓官堂上吏堂下官面赭民面土官
聲怒民聲苦謂衙無田且無圃無商賈若粟紅且腐若

不吾補吾將若乎取 七解 悽悽復悽悽我民哀以啼我

民哀啼官曰汝宜繫其手縛其足困其醫如斬豕如屠

雞以索爾貲 八解 民心哀哀天心哀哀天心哀哀大水

乃來十里無青草廿里無點埃使爾去水火使爾剪草

萊爾盍往乎邊之臺

九解

父携子夫携妻大車小車轉

轉離離回頭望鄉里淚下如梗糜人樂故土豈曰徙棲

十解

徙棲詎所願貧婦起長歎甑不入米衣不及盩夫

行久不歸多兒貧乃患父兮母兮胡為使我生離散

一解

弱子棄不顧揮淚就行路兒啼已斷腸母行無十

步兒乎兒乎使兒無母兒何哺吾已委爾於鄰嫗

鄰嫗撫兒涕泣漣漣兒幼不去吾老不前吾與爾將同

歸黃泉

十三解

長路迢迢四野蕭蕭我民哀以嗷厥官

盈以驕厥官徐厥跣高流民無圖金州有謠

十四解

金州

謠悲且辛民去原野將棘榛亂始此矣吁何云且復哀

此金州民援筆記之存其真維十有一年癸卯月春

庚午辛未金州連年大水田廬漂沒不知凡幾州
官徐步猷匿災不報而又恐民之以災抗糧也於
是延大盜高祿子於署拜為義弟以開徵商之高
遂慷慨引為己任高祿者本書生也父為皮口某
土豪所殺祿年十七控於官官受豪賄不為理控
於大府大府亦不理時年十八寓瀋垣旅店余初
出考試與同舍居見其人身長六尺口能容拳日
夜永不睡或十日或半月睡則日夜不醒或十日
或半月不食亦不饑手有過人之力能擲鐵錘於

空中而倒箝之亦異人也憤寃不得伸走京師將
控於都察院一日聞人唱昭關劇忽大悟急走歸
鄉聚馬賊百餘人破產以養之擒某豪剗其心以
祭父又擒豪子語之曰汝父殺吾父吾殺汝父汝
他日不孝則已孝則殺吾以報汝父仇縱之使去
卒不問其英爽如此然諸盜遂聚而不散官兵亦
不敢過問也既受徐官託乃大肆虐於百姓攫之
者無不粉碎而徐官遂以盡徵得上考遷官以去
此詩紀實非妄語也

自記

寶劍行

神龍陸離秋水明蓮鍔吐彩寒芒生英雄肝膽照千古
紫光作作搖星精軒轅皇帝造五兵風胡歐冶傳其名
天地精華一陶鑄世間萬事皆能平懸此可以了魑魅
詎有鬼物來相爭昔年提入漢高手大澤龍分泣鬼母
三尺鋒稜削祖龍一條練彩驅功狗九里光寒霸主身
淮南血灑黥王首顧盼山河風雨生指揮草澤龍蛇吼
有時提向戰場間怒馬盤風雲氣黝白日韜色天韜容
滿地頭顱旋風走未央置酒論功勲絳灌區區豈足友
爾來棄置二千年風塵瀕洞霾坤乾江海橫流夜叉舞
沉昏白晝妖氛纏頑質起向大冶躍干將却被鉛刀虐

九州聚鐵覓良金無奈紛紛鑄成錯胡弗懸汝聖主旁
坐令四海來榮光兩階干羽舞肅肅羣僚劔佩鳴鏘鏘
玉帛庭實啟王會共球貢賦開明堂蠻夷君主大長老
公孤卿尹諸侯王汝得置身九霄上一任龍吟虎嘯鸞
鳳翔更將祥光瑞氣化作雲五色併入光華日月天蒼
蒼

千山勝蹟

張霽汀夫子院試古場七古題

媧皇煉石古色古一九飛下遼東土長白千里龍蜿蜒
到此翻身向空舉竒峯轟轟凌雲霞排空千朶青蓮花
崩崖峭石不可上時聞雞犬仙人家長松龍蟠石虎踞

暈月擎雲不能去祇為山靈作鎮留至今鱗爪峯頭據
振衣岡上苔花皴吐符應運生天人靈洞陰森閱風雨
多年佛面含古春五佛頂仙人臺洪崖拍手天門開龍
泉汨汨天心來仙人許我登蓬萊上帝大笑一回顧雲
花幾片流徘徊東北直望象山雪恠竅囊土厚坤裂欲
裂不裂獅峯蹲百年苔色化為鐵道人入山開洪濛剝
削山氣人世通詞客銷磨幾兩屐詩篇不逐東風東我
聞謝太傅好作名山遊泉石絲竹自為樂一出乃為蒼
生愁又聞李太白尋山遍五嶽千古才人千古山相逢
詎忍辭巖壑雲中君車馬紛來携我臂呼蒼闔手持此

附身草堂言草卷二
三
卷囑靈掌為我鑄茲長句丹崖根

此稿佚二十年矣強半記憶因足成之篇中人春
通東四韻足成句也光緒庚辰十月自記

題劉東葛梅龍圖

鐵幹破壁嘯風雨大枝夭矯小枝舞百歲老龍飛下天
入地出地尾在土我聞成都有梅龍鱗爪皆具頭崢嶸
幾回夢見苦不識今觀此畫心冲冲東葛劉子識古意
兼金購此尋丈勢冷雲走壁瑤花寒滿堂遂有陰陽氣
或言天女花散天老龍一指能解禪祇恐大千少生意
一朝化此驅春妍我有一言進劉子君家相國天下士

祠中古柏蒼龍蟠之而作作中宵起胡弗覓工圖此圖
拏空尺木非模糊掉尾霖雨來天衢坐令四海蒼生魂
俱蘇

歌風臺

鬼母夜泣白帝子芒碭澤畔真人起壞雲拉雜摧江淮
歌風臺上真人來真人提劍起草萊縛秦麈楚乾坤開
大會十日聚父老天風吹灑黃金壘酒酣進筑歌聲催
一擊再擊雲徘徊吾為若歌若吾舞貴賤雖異同歡哀
山河手定威九垓蒼茫四顧揚其頰今日帝王昔亭長
還鄉遊子真豪哉况復壯士縈其懷壯士韓彭一朝死

流毒奈此宮中雉同時草創推解人而今舉目都非矣
生死勲名九里還雄心辣手同流水百戰馳驅暮景蒼
一代干城欲誰倚酒酣耳熱歌大風天地蕭蕭變商徵
社稷安危託婦人豈帝初心竟如此吁嗟乎萬金恣平
留遇良作吏屠狗皆侯王封齒納布大度主赦蒯一舉
真堂堂四公願作弱兒輔轉思變計國本強滋泉有叟
穎有相安車駟馬來四方丞相御史二千石求賢一詔
詞琅琅嗚呼一詔詞琅琅四百漢祚綿高皇綿祚乃在
求賢良

試後歸家

余與可民東葛同受知於霽翁夫子是科二人
得選拔以去而余則依然故我也然霽翁夫子
深為惋惜當時有三才人之日期以次歲優貢
與余嗚呼文章遇合得一知己可以不恨區區
得失等之蠻觸可也

功名無分却歸家整頓詩書趁歲華十載雄心消鐵硯
一腔壯志付銅琶風雲路遠天為主日月途長地有涯
但使文章知已在雞蟲得失盡紛拏

題拐李圖

提壺盧唱鷓鴣壺盧傾倒眠酒徒酒徒一醉一千載醒

來醉眼雙模糊塵世難容插脚地却向人間小游戲那
知道子能寫生偷寫真容落塵世不須坐立不須走仰
視青天笑開口待汝一十二萬年天地與我皆烏有此
時天地何處藏此時酒徒眠那鄉不如此身無眠無覺
亦無醒一任三界四大化作億億萬萬塵沙颺不然稍
留一息宇宙內其時風雷水火縱橫顛播訇訇震撼非
人非我萬困千苦何由防而且天氣地氣與夫一切形
色都化一爐內爾又何從一一釐定山川江海五行四
象開三光我歌至此酒徒笑打破壺盧鷓鴣叫

秋闈試畢歸途中作

癸酉

癸酉夏赴省考優貢場遇友人武顯廷顯廷曰
君是科必得隽問其故則曰去歲場中閱卷有
于公者今歲在撫民廳為人點主曾言學憲以
君未得拔貢深以為惜必欲予以優貢始滿其
願余聞之不覺下淚嗟乎得失何足問獨知己
之感不容不銘刻心骨耳比至院科投卷則海
城學官獨遺余卷未送細搜其故則海城學中
有王某者亦於上年考優今將入場自懷倖得
之心惟恐人多故預以病告撤去試卷也豈知
合奉天十四州縣益以滿合二號僅取三人即

使一城一人或一城三人彼亦萬分無望况止
三額乎小人之見往往如此俗謂損人不利己
者此之謂也余寓居陳公祠一日與學署之友
相遇問余姓名告之起賀曰今科優貢也余告
以不能入場之故則曰此無難吾為代稟學憲
緩考期君可急赴海城備卷往返不過半月耳
余雖善其言然自維今歲無館僅恃家嚴束脩
五六十金而家中待哺者十餘口一錢不能名
非告貸不能得財而又無門可告往返海城以
及投卷之費須四五十金中後尚須三四十金

破費近百金得一雞肋實無益於宦途大有害
於度日不如已也念及此頓覺心冷於冰氣寒
似水一腔熱志化為烏有先生矣因買車西上
謁東葛尊大人於八角臺意謂能借得五六十
金便可歸考優貢場不然亦足以西行矣不謂
尊翁一見大喜視琛如子直曰與汝兄弟二人
僱車一輛現錢二百千金百兩為鄉試計比至
京吾再寄二三百金必不令汝兄弟空手也視
曆曰某日吉可以起行琛由此決意西上不復
作歸省想矣至日乘車要東葛於鹿玉洲先生

書齋中先生索詩忽忽不暇構思為賦七古一章題扇而去日與東葛覽山川之跡訪名勝之區登眺遊觀極行路之樂不覺馳驅之苦也比至都門甫及一月而東葛以奔喪歸蓋尊翁大人已於七月下世矣回思拜謁之時視琛如家人父子而爾汝之恩義感人浹於肌骨而日月幾何不得一面嗚呼慟哉東葛甫去而榮可民魏節珊柏巖兄弟三人至握手一笑又頓忘前愁然思東葛不置也歸抵廣甯與可民諸人弔東葛喪助葬而歸是時已報罷鍛翮之鳥不能

奮飛遂與可民謀定塞上館嗟乎饑寒困人功
名無分而哀樂之感中年為多因錄途中諸作
聊敘其梗概如此

駑馬戀棧豆征人懷故鄉涼風掃秋迹鴻鵠中天翔落
日下西嶺長城指北方誰憐廣武歎搔首意茫茫
雞鳴已東駕心在古人先風雨來西北躊躇馬不前摧
輪悲此日擊楫憶當年誰賣盧龍塞蒼茫感暮天

過永平題壁弔李將軍

勝蹟今何在茫茫仰昔賢馬頭餘塞草虎口脫殘年而
我逢多事夷氛障化天酒酣眠不着長嘯指龍泉

附錄詩言卷二
臣本良家子彎弓出塞天可憐生死日都在太平年白
髮輸長劍空山響古泉封侯如有相應讓貳師賢
千里燕山路涼秋九月天邊風寒碧血胡馬困青年心
事期明主功名恥左賢傷心思乃祖刀筆易龍泉

和魏節珊望海作

過關便覺海雲黃一線濤頭島嶼涼遺墓何人尋木葉
邠風舊俗重農桑烏蟾壓浪雙丸走鱗介朝宗萬派忙
莫向滄溟覓陳迹儂曾一渡水雲鄉

附原作甯遠路上望海

魏晉康

塞山堅瘦塞沙黃拍岸濤聲正晚涼大氣何年團

世界秋風一葉指滄桑過來始恐蛟龍怒呼吸翻
驚天地忙此日東歸周道砥瀛洲談到夢中鄉

和仲南永平題壁作

榮文達

試問盧龍塞何人識昔賢英靈飛鴈外髣髴射雕
年有客懷銘石羣峯正挿天難尋遺廟址颯颯響
秋泉

一絕龍門筆爭言衛霍賢塞風吞淚日南鴈得書
年短草更寒色荒沙激怒泉臣歸歸不得無表奏
通天

癸酉秋闈試罷出京東歸

榮文達

落日照金臺西風拂面來
勸君休縱酒當世正需
才重以干戈警空嗟書劍
陪况堪王粲賦懷古思
悠哉

把酒別燕市高歌擊案聲
封侯一夢想木葉下秋
城天地歎荊棘功名期友
生尚憐池上柳疏影傍
瑤京

秋色極天遠客行憐鴈翔
寒山若迎我嵐翠正斜
陽身世生涯拙蘆意味長
著鞭呼祖逖起舞夜
茫茫

同治甲戌館塞上可民將謀
山居余亦有其志詩

以紀之 甲戌

君能料理山中事我亦千錢買一邱
碧樹黃花風雪夜
一杯相對說前愁

手種園蔬長嫩芽
招來蜂蝶菜開花
柴門不挽東君駕
一任春風到別家

徧插天山老樹根
荆籬木柵養雞豚
等閒著述皆存稿
留與他時課子孫

刀槩須眉故我存
當年書劔不堪溫
從今收拾山中去
戲折松枝教白猿

三分二分得一分
清溪流水竹當門
除將採藥無多事

日日峯頭數白雲

白雲紅樹著閒身且與山靈作主賓我戴黃冠君戴笠
呼牛呼馬兩山人

分付山靈好護持閒花閒草野人詩題崖一笑抽身去
正是家家飯熟時

摩挲石壁剝苔泥鐫我書懷一韻題隻甕踏殘春夢醒
三杯澆罷熱心悽

夢中詩句海南栽檇櫟從君養此材日暮樓船煙火起

看人提劍上高臺

日暮二語可民在營口夢中詩也

夢醒遊仙謝十洲搜神說鬼記從頭雄狐跳舞雌狐拜

月黑林深戴羈縶

老狐人立語啾啾
山鬼悲吟木客愁
聞我歌聲齊頓止
一彎殘月樹梢頭

口角噓唏眼望天
功夫枉費苦鑽研
從今展却眉頭縐
再讀南華第二篇

狂奴風味任癡顛
打破虛空也是仙
一指天龍吾不悟
野狐休問再來禪

詩稿久佚近二十年矣
光緒壬辰閏月館三賢祠
與可民夜話強錄數首
可民和作附焉蓋可民和
作時去余作詩時七年也

山行追和仲南山居作

榮文達

亦元亦史亦儒禪
喫得嵇康髓亦仙
不信終南知捷徑
年來料理買山錢

少年膏火苦煎熬
打破禪天遣恨苗
兀坐不教絲竹寫
碧溪寒葉雨蕭蕭

春樹紅顏得幾時
舊遊如夢鬢成絲
豐干饒舌真多事
閒讀寒山五字詩

茫茫今古一登臺
舊約看山歸去來
從此風塵知壯悔
細談心緒劃鑪灰

連朝不上澗東亭
未必山光似舊青
我作主人先

送酒閒看雲影細商評

書懷

石火光陰落絮泥曇花一現了菩提功名到我真芻狗
貧賤依人類樹雞隻甕踏殘春夢醒三杯澆罷熱心悽
久拚事業從黃石每念高堂淚眼低

刻棘雕蟲二十春每經回首自悽辛牛衣瑟瑟情都盡
驢磨團團跡已陳亂打心頭窗外雨任吹口角劒端雲
聞雞起舞尋常事一着征鞭讓古人

懷可民作

八十二韻

時可民朝考未歸

我生多憂懼况茲離索遭念子千里客兀坐心搖搖昔

行指孟春今已九月交歸期計此日把袂當崇朝胡為
車輪遲遙遙復遙遙西風滿庭樹徹夜聲調刁流音感
鴻鴈慘綠鳴寒蛭羈旅歎友生遠行悼慄僚登山復臨
水沉痛讀離騷遊子為誰滯遊子為誰驕秋氣一以感
使我中心搖數夜頻夢君風塵顏未凋依然宿昔態拳
髮穆穆髟告我都下事兼話平生要惕然恐是夢風雨
窗瀟瀟且喜見顏色驅遣魂魄勞比聞道路口云在凌
河臯舟無一斛重舵尾輪堅牢蒼黃數客子貴重皆仙
曹中流一失險破碎如萍漂聞言我心悸驚魂不可招
然疑自相詰心口聲嘒嘒生才必有用天幸豈莫邀未

必瓠子決美玉同沉筴而况度時事君方等繫匏素昔
與若輩情非投漆膠方將太山重詎曰輕鴻毛勿為惜
珠玉勿為傷薰膏念此意稍釋忽復心叨叨子安患水
厄太白鯨月撈大江日夜下人物風流淘古人且復爾
正則悲焚椒頃刻五內亂百沸心頭熬開卷得周易筮
卦同人爻云利涉大川上九无悔郊果然詞意吉神鬼
來精教復聞魏子語言將沂海潮挂席幾千里賦命輕
洪濤此事懼覆轍去歲都門謠奈何更蹈此竟買商人
舠黑風吹萬里白浪飛滔滔魚目眩寒日鯨背摧巖藪
沓雜列鱗甲天矯蟠龍蛟百丈騰皓蜺雷雨龍門高忽

發大聲響萬怪雜喧嘈馬銜奮孤角鮫客冠垂顛天吳
羅衆首罔象垂尾髯時時夜叉舞閃爍雙眸兌冰夷雜
醜惡恍惚百露妖踈踈喜過客啖人如舖糟戕風鼓怒
浪陰火沉沃焦溟鵬不敢到羲御光彩韜茫然大宇宙
一氣洪濛淆慎勿向海若輕釣任公鼈更憂乏資斧旅
館悲蕭條金少宋人餽裘敝季子貂燕薊多悲風萬樹
巖霜鏖一葉下梧館涼意侵綈袍秋士况多感百折雄
心撓貧病一相迫塊磊何由消引領望天末淚落愁魂
銷我嘗屢味此哀鳴如鴻磬將母子亦愁慘淡吳市簫
行旅况不易長途荆棘拘豺狼當道立魑魅夾路嗥白

晝肆劫掠馬鳴人
麇麇公然攫財物
各自歸其巢
長官如不聞
充耳徒誆誆
愧無縛雞力
何由奮擊掎
長歌行路難
三復悲華茗
百慮竭心力
太息頻首搔
太息復太息
命管抽吟毫
夜起步階露
仰視雲在霄
參商不相見
銀漢胡迢迢
却愁莫舉酒
斷水莫抽刀
起坐苦不憚
獨上寒溪橋
睇遠得形似
益使余心恟
何當轆轤響
聽子還征輶
握手一歡笑
破我書齋寥
解裝拂京塵
發篋出手抄
扞掌大歡喜
快寫胸鬱陶
更持九日盞
共把霜中螯

夢中詩

夢登一山一鬼首大如五斗罌余坐其上旁列
一戈一劍一筆援戈戈折持劍劍缺把筆筆禿
四顧蒼涼白草黃沙一望無際不覺淚下吟詩
一章而醒惡其不祥以語可民可民亦不能解
也是年因塞上盜賊大起未敢訂館次年遂無
館果大困夏秋為魏憲臣代館於小趙家臺為
賊所竊囊篋一空次年丙子館於東葛家七月
丁外艱自是大困者數年嗚呼帝命趾離先機
告我吾其如命何哉

北望北斗北南望南斗南天地萬萬古浩瀚人成三靈

蠢雜愚智殺戮起嗜貪我生千載後此恨何可堪

暮春將赴省城出保作 乙亥

是歲無館三月赴省保送考童入場魏憲臣聘

請代館於小趙家臺

杏子生仁澀齒牙路旁開徧馬蘭花大夫自喜登高賦

豈向周行感室家

出門芳草即天涯

石霜慶諸禪師隱瀏陽人無知者有僧自洞山來諸問曰价公比有何言

說僧曰洞山曰初秋夏末直須向萬里無寸草處去然對之者多不契諸曰何不道出門即是草洞山旋聞其語驚曰瀏陽赤軌難停力士車磨盡輪蹄償宿債鞭絲

塵影送年華

村歌

盲叟沿街一笛風
兒童刻意學聲同
折來嫩柳抽新管
信口吹成六六工

小圃花開菜甲紅
菠青韭綠舞兒童
撚來蔥葉柔如紙
短韻泠泠送晚風

東坡詩云口吹蔥葉送迎翁
黃山谷陳后山皆有吹蔥葉詩句可知古人

無奇不搜無典不備也

小女嬌嬉困阿翁
牽衣學語未能工
也將蔥葉含脣際
滿口嗚嗚兩頰紅

細柳抽條一竅通
如簫如管和兒童
高低也有天然韻
敢道歌謠不古風

夏雨

幾日南風惡今朝一雨歡
彼蒼豈私物長路有人歎
族盛良姦角途窮世界難
是漚還是水起滅一時間

村歌

自更沿街一笛風兒童刻意學聲同折來嫩柳抽新管
信口吹成六六工

小園花開菜甲紅菠青韭綠舞兒童然來蔥葉柔如紙

短韻冷冷送晚風東坡詩云口吹蔥葉送晚風
東谷山皆有大蔥葉詩句可知古人

不備也

小女嬌嬉困阿翁牽衣學語未能工也將蔥葉合唇察

溢身森森紅鑽世界鱗長豈豈長水映池一却間

幾日南風惡冷陣一雨纖纖蒼豈味神身都脊入環

隅夢草堂詩草卷二終

隅夢草堂詩草卷三

冬夜自省還家

夜色微茫路久經計程次第數郵亭回光玉兔留殘月
曳尾金蛇落大星歲暮人情傷局促年荒行旅費調停
書生豈解匡時策憂樂因民仰典型

中秋月夜自集市歸途中作

庚辰

露氣濃蒸海秋心悄逼人七星排作斗孤月大於輪樹
色渺難辨禾香清益真年豐時事易潑甕釀黎春

題畫作

化工工鑄物鑄物有情付此一幅綃花鳥來香聲

昔聞菩薩言聲香臭味觸盡筆大神通一一無拘束
抱枝兩黃鳥覲睨惜春暄不敢啼聲苦恐驚花下魂
小犬大如拳護花卧花影夢吠三兩聲寸心示人警

瀋城雜詠

荷花照水寺門香七寶雲車入酒坊錦袖羅衣都稱體

風流解說內家粧

萬泉河

鼙鼙鼓響出蘆棚口角依稀柳敬亭說罷中郎說韓信
是非身後總難憑

萬泉河

紅樓碧殿鎖朱門佛祖金身馬哈尊讀罷豐碑談往事

風流猶指駱駝墳

實勝寺

紀雨 丙戌夏

百里鼓音從地起萬條線影自天飛風雲到此都成陣
宇宙無端大合圍急水平橋迷舊漬明虹隔嶺耀新輝
望湖樓下扁舟叟滿載跳珠不忍歸

丙戌八月十六日宿千山香巖寺夜雨是夜月蝕
依枕頻聞滴點多半房雲氣暗中過蟾蜍病後纔蘇魄
蝴蝶醒餘未遣魔起滅漚泡純是想高寒樓宇不聞歌
一年明月今宵好無奈銀河是漏河

秋月篇 并序

丙戌之秋八月既望佳節不歸蕭寺岑寂人靜

西亭草堂詩集卷三
二
夜長窗薄風悄空階小立顧影蕭然依欄注視
松影縱橫微風稍動如吹水紋斯時也枝魂葉
魄齊化涼陰草味蟲情併歸秋氣渺渺天末漫
漫長河余本秋人况當秋月所思不見動南陽
之新愁念君客遊觸子桓之短詠未免文通之
恨難禁宋玉之悲矣

天無纖翳地無塵秋光併落今宵身今宵秋色不堪對
今夜秋月偏照人秋心墜地無尋處秋月東西幾回度
可憐人比月難圓可憐人與秋同素瓊樓玉宇不勝寒
碧海青天路渺漫寂寞霓裳羽衣女袖長納手夜深難

誰家樓上悲秋婦，捫徧欄杆冰玉手。織就迴紋寄遠人，
線長梭短空回首。樓上明蟾比鏡圓，樓中明鏡苦相憐。
脂痕粉漬塵封暗，不照芙蓉月下妍。芙蓉冷落秋粧歇，
倦倚空閨淚不絕。今月前年對照人，今年獨對前年月。
前年月下細聞歌，潏灑春醪金叵羅。好事不堪回首憶，
無端片影渡銀河。銀河不斷秋風浪，織女牽牛兩相望。
織女空聯七錦裳，牽牛花好何時放。天涯遊子倍銷魂，
惆悵紅橋月下痕。似水繁華如夢醒，一杯殘酒不成溫。
蕭蕭落葉催銀箭，東去伯勞西去燕。空教明月照離筵，
不教月照離人面。離人月下若為情，明月徘徊夜二更。

高樓上聞吹笛鴻雁一聲天地清傷秋別有空齋客
手按瑤琴對蟾魄一年一度月中秋那能終古成今夕
搖落深知宋玉悲忽看流影入羅幃羅幃不暖殘燈小
愁絕天涯共此時

甲申九月前妻金氏病故曾為秋柳絕句三十餘
章以當悼亡之作丙戌館於千山秋色感人復
續成十首詩稿亡佚無從覓憶矣忽於舊紙中
檢得後作因錄存之

石火年光一霎休如煙如夢不勾留無端提起三春恨
多少閒情化作秋

冷落西風白下門夕陽流水寫殘魂誰從廿四橋邊過
檀板金樽不忍論
短縷殘條莫向西西湖風景僅烏啼從前悔種多情樹
葉葉秋聲滿白隄

舊夢依稀閱武堂春壺買酒鬱金香祇今唯有鳴蟬在
噪露吟風倚夕陽

清影蕭疎瘦葉黃半江寒色帶斜陽誰吹黃鶴樓中笛
一夜秋心滿武昌

樽酒風流如是娘羅衣瘦怯不開箱秋鶯欲訴三春語
祇恐魂銷大道王

那堪春色屢消磨金縷衣殘怕聽歌一鴈飛來雙燕去
老鴉背上夕陽多

秋容消瘦楚江濱雨葉風枝記不真鷓鴣一聲人去後
獨留芳草怨靈均

瀟湘明月載扁舟歌弔靈娥葉葉愁就使白雲齊化水
也應不解向南流

風景無多不繫煙一天秋色落吟肩年來不作湖亭夢
最怕黃鶯啼可憐

蕭瑟蘭成築小園兩三行外護籬藩誰知一段淒涼意
寫入秋詞總斷魂

丙戌九月九日携諸生登五佛頂

五古七十五韻

昔聞茲峯高斯遊慰往慕憇菴入鳥巢渡澗轉蛇路愈
轉境愈竒地僻不容住怯手刺拏衣讐足石窘步是時
風日佳黃花開朝露世界富華艷光彩雜迴互造物大
畫工精神紛布獲摩寫天地容作意繪真趣隨物而物
物此筆誰所付物物非物此意誰所喻大詫驚且疑
盡廢古箋註小兒歲方八短足勇奔赴時故作懼容談
虎嚇人怖路峻益帶嶮被面汗如澍喘息肩象聳屏氣
肺家驚步一退逾半息躬橫賴樹羣峯起刺天劔戟森
武庫石欹老松支崖崩斷雲護廢塔隔林窺懸瀑帶煙

吐坐卧數衆峯一一勞目注如却復如前如喜更如怒
如主揖賓讓如鳥集獸顧如老僧枯寂如美女豐嫵矍
鑠如老翁偃偻如村嫗卑如鬼像伏尊如仙靈駐低眉
菩薩慈竝肩羅漢塑昂首上戴冠屈體下出胯或作侍
長立或作抱兒哺或作勇士爭或作醜婦如鬣張戰馬
馳角奮鬪牛仆大力獅象搏神威龍虎遇阪險車下行
流急舟逆泝炫彩隋侯珠貢竒魯邦賂羅列鉢鐘磬拉
雜壺瓜瓠吳生能寫生變相地獄具大禹鑄九鼎備載
神姦數即此已竒絕到頂更何晤起前望寺門枯喉喜
潤涸道人解迎賓勝蹟能舉故云昔開山祖於此寄朝

暮一參大乘禪佛旨立地悟遺洞留人間吞吐煙雲度
時有五色霞散作天花雨我癖嗜險竒到此益沉錮久
被浮生牽驅遣儒家務能著幾兩屐事往等風捕孤負
名山遊引領久呼籲茲行宜絕頂作氣往無懼石磴鑿
百盤舉足慎失措一擲不可知頭顱與足跗有松大解
事曲作梯形布下接塵世上與真宰訴石佛坐無言
歲久真氣固怪石像老人肉枯骨生蠹想因風雨多剝
瘦凋天素稽首叩帝閤饑蝨臣言附此山未造前水土
砂石沍胡為有此形大錯何人鑄精魂寄形骸天地亦
旅寓衆生苦顛倒萬象役雜厝奈何鑿混沌私心生好

惡官家開兩局蠻觸亦相忤世代既弛張是非更抵牾
爭名六守龜走利一趨鶩諂貴王者尊驕賤乞人諱江
河日下流羲和迭寐寤佛老兩聖人亦有千秋墓起滅
泡幻耳齊向尾閭輸似此歧中歧豈非誤外誤一十二
萬年盡化作塵汙不知此天地何術以自拈山靈笑我
癡將秋化煙霧暮色蒼然來遼水西風渡慄乎難久留
何暇大夫賦急尋歸路歸覓我新詩句

萬仞峯嵐徑似梯禪闕直上翠微齊蒼苔幾點野花放
清磬一聲山鳥啼黠鼠穿林銜果去老僧汲水帶雲携
閒尋佛祖西來意語錄禪鋒盡稗稊

心闕眼界劃封疆人在中天矚下方怪石藏林蹲虎兇
餘梁棲畝卧牛羊衆生而外何因果萬象之初一混茫
遼水長城終古在蠻天觸地不堪量

古風

蝨腹恆苦饑饑久亦不死一與人氣接率族燠以喜攢
肌癖食肉攻表兼及裏一飽諒已足胡乃不知止膨腹
垢絮縫糜身爪牙齒我思蝨父言元妙有殊理貪得而
忘戒嗟哉蝨而已

黃蜂裹香藥兩股如松釵菁華擷百物往往捐塵埃辛
勤備旨蓄曰畏嚴霜來上以供君相下以飽偶儕翺來

誰家子勢取如克災大蜂語喧怒小蜂鳴聲哀揮袖撲
蜂死詈此毒物材嗟蜂自護蜜夫豈蜂毒哉

鵲具拙醜姿網羅常弗及搶飛枋榆間以飲啄翔集隆
冬雨雪多園囿少殘粒忍凍復苦饑哀訴語言澀一朝
厭故形思欲變羽翼秋風海潮深潮退汙垢黑奮身辱
泥塗汙體意亦得欲奮不能飛化與水族習進隨魚鼈
遊退竝蝦蟹匿詎知豫且往相持日以急拋擲筐筥中
張口吐殘汁豈免須臾死聊共濡以濕剜肉供庖厨慟
甚過河泣胡弗守愚拙投身禍不測長呼鵲來前避網
勿避弋禍患雖相當弋一而網十

物生冀人用見用物知喜違性而用物所往無一是虎
豹非不威不可負耒耜麟為百獸長駕車不知軌麴不
可為黃豆不可為醴救渴不舂糧救饑不汲水古聖參
天地盡物性而已

黃河走寧夏灌溉資利源束縛萬山裏亦復約狂奔龍
門一出險地軸翻中原風雷起天半光景羲娥吞宣防
豈不固蟻穴難具論大聲發水上震撼排乾坤勢欲淪
五嶽氣欲凌地閻蠢怪乘時化如鼈魚蛟黿貪殘恣克
暴作勢雄且尊哀此受生類沉溺逢坎屯冠裳困鱗介
吁嘅增煩寃我思神禹智疏下高則燔策神縛百怪擒

斬如豕豚神龍伏受約海國效蕃宣誰使九河塞坐令
宇宙昏古聖不可坐古事誰可言

吾聞推測者云天十二重天形如雞卵日如黃在中地
亦一星體輪轉無始終一歲大輪轉環日分西東地夏
上日上日上地上冬晝夜小輪轉本體十二宮月小地
千百附地如附庸地隔日月望月晦居兩中持籌而布
算一數開蒼穹薄蝕與彗孛數定非人窮人事無補救
治亂兩不蒙仲尼修魯史大書十二公秉筆誌天變溯
本由君衷萬物數縱異萬世理則同道亂人事悖七曜
多愆蹤詎知後人巧立說非古從天變不足畏聞之半

山翁

下室詩草卷三

西人精測望伸目而縮天一切有體物引之置眼前云
大恆星側有星同地圓大星如此日彼地輪轉環亦有
月毬一繞地偕周旋彼地有人物與鳥獸山川與此地
無二晦望皆無偏再拜告上帝化我如飛仙飛行彼世
界歷覽大小千擇峯造絕頂題名摩星躔大書某月日
有某開天闕小遊九霄上一往三千年想彼開天始亦
有神聖賢君皇帝王霸臣正邪忠奸經史百家子篆隸
分流傳我筆記本末手携歸一編畫作異地志歌以新
詩篇後有嗜竒者開卷一粲然云彼地達士亦作如是

觀
為
於
有
於
有
法
閣
卷
一
樂
然
云
如
此
數
士
亦
於
此
是

公
流
斯
法
筆
蹟
本
末
手
勢
飄
一
論
畫
亦
異
此
志
竭
以
待

有
軒
望
得
我
皇
帝
王
霞
到
玉
飛
忠
致
對
史
百
家
千
葉
精

有
某
關
天
關
少
益
大
霄
土
一
於
三
千
年
賦
於
開
天
賦
亦

界
想
觀
大
小
千
點
筆
畫
幾
百
頭
或
擊
墨
點
大
書
某
日
日

無
二
如
望
皆
無
論
再
拜
吉
土
帝
少

長
時
一
識
此
皆
風
於
此
亦
入
此
與
鳥
燭
山
風
與
此
此

大
對
星
圖
亦
星
同
此
圖
大
星
映
此
日
此
此
謙
轉
對
衣
衣

西
人
靜
風
望
中
日
而
誰
天
古
何
有
對
此
信
之
置
如
前
二

隅夢草堂詩草卷三終

論
非
古
從
天
變
不
足
畏
聞
之
言